

COVID-19 Txheem Lus Rau Cov Teb U-Pick and Cov Roj Muag Zaub Tom Teb

Daim ntawv no muaj lus qhia txog tej txheem lus xyuam xim COVID-19 hauv cov teb U-Pick thiab cov roj muag zaub tom teb kom ua raws nraim li Governor Walz Executiver Order 20-04 cov lus qhia kom kaw tej lab noj mov, tej npos thiab lwm cov lag luam uas tibneeg nquag mus tej pab coob coob. Cov roj muag zaub tom teb (On-Farm Markets) tsis tas ua raws li cov lus no yog tias lawv tsis muag khoom noj ntawm daim teb (suav kev saj zaub mov noj) thiab cais txav deb ntawm ib leeg ib tug ntawm qhov chaw teeb roj muag zaub. Kuj yuav tau coj raws li cov txheem lus txog ua [daimlais xees ua zaub mov](#).

Yeej txhawb cov teb U-Pick thiab cov roj muag zaub tom teb kom ua raws li cov txheem lus los ntawm Minnesota Department of Agriculture (MDA) uas muab sau tseg hauv qab no kom thiaj pab cheem tus kab mob COVID-19 tsis txhob kis mus deb. Muaj tej lus qhia ntxiv txog kev xyuam xim tom teb vaj zaub los ntawm Minnesota Extension [COVID-19 Response Template for Fruit and Vegetable Farms](#).

Tej Txheem Lus Rau Cov Qhib Lag Luam

- Tsim tsa ib lub hom phiaj yuav los tswj tus kab mob COVID-19 li cas.
- Hauv lub lag luam, kom cov neeg yuav khoom txav deb li 2 dag (6 feet) ntawm lwm tus txhua lub sijhawm.
- Txo lossis tshem tawm tej kis las hauv daim teb uas yuav caw tibneeg los ua ib pab ib pawg.
 - » Tso nkauj nrov nrov, muaj khoom noj saj, muab zaub mov los ua saib, tej kis las rau menyuam yaus, saib tsiaj, thiab ua tej pluag mov noj hauv daim teb yuav txhawb tibneeg los sib ntsauv ua ib pab ib pawg.
- Lub koom haum tswj xyuas kab mob kev nkeeg Centers for Disease Control and Prevention (CDC) hais tias lub sijhawm muaj tus kab mob COVID-19 thoob qab ntuj no, “[tseem ceeb ntxuav tes kom thiaj li cheem tus kab mob mus kis tsis tau rau lwm tus](#).” Peb txhawb kom txhua tus ua raws li peb txoj kev hauv qab no:
 - » Muaj [cov dab ntxuav tes](#) nrog xaub npum thiab dej nyob ntawm daim teb rau cov neeg yuav khoom tau ntxuav tes.*
 - » Kom ntxuav tes ua ntej lawv pib mus de zaub thiab tom qab lawv de zaub tag.
 - » Kom lawv tsis txhob saj tej zaub ntawd thaum tseem de, thiab ua ntej muab ua noj tom tsev, kom lawv muab cov zaub yaug txhem tso.

**Nco tseg tias cov teb uas txoj cai Produce Safety Rule roos, ces yuav tsum muaj thoob qhov viv thiab tej dab ntxuav tes nrog xaub npum thiab dej rau cov neeg tuaj xyuas daim teb ntawd.*

- Lub CDC kuj hais ntxiv tias rau lub sijhawm muaj tus kab mob COVID-19 thoob qab ntuj no, yuav tsum hnab cov npog ntsej muag thaum tawm roj thiab muaj neeg coob sib cais txav deb tsis tshua tau. Txiaiv txim seb puas kom cov neeg tuaj rau hauv koj daim teb, puas nij looj cov hnab npog ntsej muag.

Kom cov neeg ua haujlwm tiv thaiv tus kheej

- Txib haujlwm kom nyias ua nyias ib txoj haujlwm rau lub sijhawm muaj kab mob Covid-19 thooob qab ntuj. Ua li no thiaj cheem tau qhov sib kis tau kab mob (cross-contamination) rau tej cheeb tsam, txoj haujlwm uas ntau tus neeg ua tib yam nkaus thiab/lossis qhov kov raug tej khoom.
- Rhais tej paib uas yooj yim nyeem tau, sau kom meej tias ua yam twg thiab rau lub sijhawm twg.
- Qhia seb yuav ntxuav tes li cas (ntxuav pes tsawg zaus, thiab tom qab ua dabtsi twg tag).
- Qhia rau koj cov neeg ua haujlwm kom lawv looj cov npog ntsej muag (thaum twg looj, yuav looj li cas, txheem lus ntxuav tes ua ntej thiab tom qab hloov khaub ncaws).
- Yog tias koj siv cov hnab looj tes, qhia rau cov neeg muag khoom thiab cov neeg ua haujlwm tias qhov siv hnab looj tes tsis yog siv kom tsis txhob tau ntxuav tes. Yuav tsum ntxuav tes ua ntej looj hnab looj tes. Cov neeg ua haujlwm yuav tsum ntxuav tes thiab looj hnab looj tes tom qab lawv kov lawv lub ntsej muag tag, noj mov tag, tom qab siv chav dej tag, lossis rau ib lub sijhawm twg uas txhais tes tsuas.
- Tsim tsa ib cheem tsam thiab hais kom cov neeg ua haujlwm cais txav deb li 2 dag ntawm ib leeg ib tug.
- Ncuaj sijhawm noj su kom deb lwm tus neeg ua haujlwm lossis muaj chaw dav kom cov neeg ua haujlwm thiaj li tau cais deb ntawm lwm tus.
- Qhia rau cov neeg ua haujlwm seb tej khoom tshuaj tu thiab ntxuav tiv thaiv kev kab mob nyob twg lossis tus neeg paub txog tej khoom no yog leejtwg.
- Cob qhia kom cov neeg ua haujlwm paub txog tej txhooj cai pab cov neeg yuav khoom li cas.

Kev sib txuas lus nrog cov neeg yuav khoom

- Tsim tsa tej kev cai rau cov neeg yuav khoom xws li hauv online (social media xws li facebook tej ntawd), tej vej xaij, thiab rhais paib. Piv txwv li hauv qab no:
 - » yog tias koj mob, ua npaws, lossis hnoos, ces nyob tsev
 - » cais kom deb li 2 dag (6 feet) ntawm lwm tus
 - » ntxuav tes ua ntej thiab tom qab mus nkag hauv teb tag
 - » tsuas kov cov khoom noj uas koj yuav yuav xwb
 - » txwv tsis txhob koj neeg tom tsev tuaj tom tej kiab khw ntau ntau (kom khab seeb rau tej cheeb tsam tom teb)
 - » looj cov npog ntsej muag rau tom teb
 - » tso tej tsiaj yug hauv tsev nyob tom tsev, tshwj tias lawv yog cov tsiaj pab yus (service animals)
- Cov paib rhais tau muaj xws li:
 - » Ntxuav koj txhais tes >>> ntawm no yob ib lub dab ntxuav tes.
 - » Tswj cais deb li 2 dag (6 feet) ntawm lwm tus
 - » Thov tsis pub noj zaub mov ntawm thaj tsam no. Tsuas pub nqa zaub mov mus noj tom tsev xwb.
- Sau qhia tej yam hloov no rau hauv online, tej vej xaij thiab rhais paib yog tias koj lub lag luam hloov mus raws li
- Qhia rau koj cov neeg yuav khoom tias koj tseem ua raws li lub xeev thiab koom haum kev noj qab nyob zoo tswj xyuas kab mob CDC es thov kom lawv sawvdaws ua siab ntev yooq raws li tej yam koj hloov raws nyob ntawm koj lub rooj muag khoom. Tej yam hloov no tsuas tiv thaiv cov neeg yuav khoom thiab cov neeg ua haujlwm ntawm daim teb xwb.
- Ntsuas seb cov neeg yuav khoom nyiam tej yam koj hloov li cas thiab nug lawv seb lawv puas nij koj hloov kho tej yam twg.
- Sim ua ib cheeb tsam rau cov neeg yuav khoom tau nqa tej khoom lawv yuav ua ntej, tshwj xeeb yog thaum npev xim heev. Ua li no yuav pab kom tsis txhob muaj neeg tuaj sib ntsauv coob coob.

Kev ua haujlwm hauv teb U-Pick

- Tswj cais deb li 2 dag ntawm lwm leej lwm tus. Muaj ntau txoj kev los ua raws li ntawm no, nyob ntawm seb koj daim teb thiab rooj muab khoom nyob mus li cas. Tom ntej no yuav muaj tej piv txwv uas yuav pab muab thaj tsam ntawd cais kom deb cov neeg yuav khoom li cas:
 - » Qhia tsi ntsees rau cov neeg yuav khoom seb daim teb twg los de tau zaub thiab lawv yuav txav mus raws li cas hauv cov kab teb
 - » Teem sijhawm uas cia ob peb tus neeg tuaj de zaub tau, lossis siv lwm txoj kev los txwv kom tsis txhob muaj neeg tuaj coob coob rau ib lub sijhawm twg.
 - » Muab sijhawm hloov pauv kom deb cov neeg yuav de zaub thiaj li tsis tuaj ua ib pab ib pawg. Piv txwv:
 - Hauv daim teb muag strawberry, yog tias cov kab teb dav li 1 dag (4 feet), ces kom cov neeg de zaub nyob rau lwm kab teb kom deb kab no thiaj li cais deb tau.
 - » Tsim tsa ib qho chaw tsuas pub neeg nkag thiab tawm tib txoj kab xwb, thiab tswj txoj kev taug hauv daim teb.
- Ntsuas seb cov neeg yuav khoom nres qhov twg rau qhov twg thiab txwv kom tsis txhob sib ntsauv ua ib pab ib pawg.
 - » Tso ib daim thaiv ntawm qhov chaw de zaub, txwv qhov pub nkag thiab tawm (siv cov khij, cone, laj kab thaiv, ntaub nplaum, thiab hlua los txwv qhov nkag thiab tawm tau rau ib txoj kev twg).
 - » Rhais paib rau qhov npog thaiv ntawd, piv txwv tias: “Please enter through gates with handwashing stations and wash hands upon entering.” (Thov nkag mus rau lub qhov rooj uas muaj lub dab ntxuav tes thiab ntxuav tes tag mam li pub nkag.)
- Ntsuas seb tej hom tsheb thauj neeg mus los los hauv daim teb yog mus li cas. Cov piv txwv hauv qab no yuav qhia seb tswj kev thauj mus mus los los yog li cas:
 - » Sau taw qhia tej rooj zaum hauv lub tsheb thauj mus tom teb kom neeg nyob deb li 2 dag ntawm lwm tus
 - » Yuav tau dhia ob peb lwm ntau tshaj li qub kom thiaj li tsis thauj neeg ntau ntau mus ib zaug
 - » Muab qhov chaw nres tsheb tso kom ze daim teb, thiaj li tsis tau thauj neeg mus mus los los thiab cov neeg tuaj yuav khoom thiaj li taug kev tau mus tom teb
 - » Kom cov neeg ua haujlwm de zaub thiab nqa mus rau cov neeg yuav khoom tej tsheb
- Ntsuas tej npoo twg uas neeg “nqhuag kov” (xws li lub kauj ntawm tus laj kab lossis hlau rooj kaw lub tsheb thauj mus tom teb) thiab muag tu thiab ntxuav tiv thaiv kev kab mob.
- Teem ib lub caij uas tsuas pub cov neeg kis tau kab mob COVID-19 yooj yim dua tuaj de teb lossis tuaj rau rooj muag zaub.
- Sim teeb ib txoj cai uas menyua yuav tsum muaj ib tus neeg laus nrog lawv. Ua li no kom thiaj li tiv thaiv thiab xyuam xim thaum mus de teb zaub.
- Muaj thoob rau cov neeg tuaj yuav khoom de zaub kom thiaj li tsis koj teb thoob tsis huv tuaj rau ntawm teb.
 - » Cov thoob no tsuas pub kom siv ib zaub xwb, lossis yeej du lug, thiab yob ib lub thoob uas muab ntxuav tua kab mob mam li rov pub siv dua.

Rooj muag khoom/chaw teeb lub thawv tso nyiaj them nyiaj

- Txwv tsis txhob pub neeg tuaj nkag koj lub khw coob coob rau ib lub sijhawm twg thiab kom cov neeg tuaj cais deb li 2 dag ntawm ib leeg ib tus thaum nkag mus hauv lub khw.
- Yog tias koj muaj ntau lub thawv tso nyiaj/them nyiaj hauv koj lub khw, yuav tsum cais deb li 2 dag ntawm cov neeg ua haujlwm ib leeg ib tug thiab, nrog rau cais deb cov neeg ua lais them nyiaj tibi.

- Sim kos tej cim lossis rhais paib qhia rau cov neeg yuav khoom kom lawv cais txav de ntawm lwm leej lwm tus thaum ua lais them nyiaj lossis ua lais nkag rau hauv koj lub lab, thiab lwm yam tej ntawd.
- Ntawm koj lub rooj them nyiaj, cais deb kom tus neeg ua haujlwm thiab tus neeg them nyiaj tsis tau nyob sib ti.
 - » Qhov no kuj muaj xws li tso ib lub rooj hauv nruab nrab tus neeg ua haujlwm thiab tus neeg them nyiaj yuav khoom. Ces siv lub rooj no los ua lub them nyiaj, lossis tso ib daim phiaj yas npog tiv thaiv nruab nrab, lossis sim hloov kho teeb koj lub khw kom qhov chaw them nyiaj thiaj li tsis tau sib chww
- Tsim tsa ib qho chaw rau cov neeg uas twb yuav khoom ua ntej lawm los them nyiaj rau cov khoom lawv twb auv dawm ua ntej lawm los them, kom thiaj li txo qhov tibneeg tuaj ua ke coob coob.
- Tsim tsa ib qho chaw rau cov neeg uas twb yuav khoom ua ntej lawm los nqa tej khoom lawv yuav ntawd (xws li ib qho tsav tsheb tuaj nqa), thiab ib yam twg uas cia cov neeg yuav khoom auv dawm ua ntej thiab them nyiaj ua ntej tau hauv online. The National Young Farmers Coalition tsim ib co txheem lus los pab muab tej chaw muag khoom sib piv: www.youngfarmers.org/wp-content/uploads/2020/04/Farmers-Guide-to-Direct-Sales-Software-Platforms.pdf
- Yuav tsum muaj tej dab ntxuav tes rau cov neeg yuav khoom thiab cov neeg ua haujlwm hauv koj lub lab.
 - » Kuj tso tau tej tshuaj pleev tes tua kab mob (sanitizer) siv tau yog tias tsis muaj lub dab ntxuav tes, qhov no kuj zoo dua yog tias koj tsis muaj lub dab ntxuav tes. Yog tias koj muaj cov tshuaj pleev tes tua kab mob rau cov neeg yuav khoom siv, cov tshuaj ntawd yuav tsum muaj li 60% tshuaj alcohol nyob rau hauv.
- Muab tej zaub lossis khoom noj ntim ua tej pob ua ntej kom cov neeg yuav khoom tsis txhob tau kov xaiv, thiab muag thawv zaub zoo dua muag raws phaus, ua li no cov neeg yuav khoom thiaj li tsis tau nyob ntev ntev ntawm lub khw.
- Txo lossis tsis txhob pub cov neeg yuav khoom ntim lawv pob khoom yog tias lawv yuav khoom ntau (xws li zaub, tej khoom noj uas qhuav). Yog tias ua tau, yuav tsum muaj thoob ntim zaub, es tsis txhob cia cov neeg yuav khoom mus kov tej thoob uas tseem tsis tau muab rho tawm los.
- Yog tias ua tau, txib kom cov neeg ua haujlwm nyias muaj nyias ib txoj haujlwm xws li ib twg mus kov teeb khoom hos ib tug yog tus los txais nyiaj. Lossis, kom cov neeg ua haujlwm ntxuav tom qab lawv ua ib txoj haujlwm twg tag.

Tu thiab ntxuav tiv thaiv kev kab mob

- Tab txawm tias tus kab mob COVID-19 no tsis yog kis raws tej npoo rooj lossis khoom twg los, tus kab mob vais lav no yog ntej heev tau rau [tej khoom](#) xws li thawv ntawv, hlau thiab yas. Tej khoom uas siv tag tu thiab ntxuav tiv thaiv kab mob tau lossis siv cov khoom uas siv tag ib zaug xwb muab pov tseg.
- Ua tib zoo muag tej npoo rooj tu txhuam ua ntej muab tshuaj los ntxuav tiv thaiv kab mob. Tej npoo twg uas tseem tsis tau muab ntxuav yuav siv tshuaj los tua kab mob tsis tau.
- Nqhuag tu thiab ntxuav tiv thaiv kev kab mob rau tej chaw ua neeg kov raug ntau heev xws li pob qhov rooj, tej tshuab so daim npav nyiaj (credit card machine), tej rooj txee, pob tawb, thiab lwm yam. Teem sijhawm los ntxuav tu tej no.
- Cim tej chaw uas cov neeg yuav khoom nqhuag mus chww kov thiab sib ntsauv, xws li ntawm rooj them nyiaj thiab chav dej, thiab teem sijhawm los tu ntxuav tej chaw no tsis tu ncu.
- Xaiv ib lub tshuaj ntxuav tiv thaiv kab mob los ntawm EPA daim ntawv teev List N, uas yog tej khoom siv tau kev pom zoo los tua cov kab mob vais lav SARS-CoV-2:
 - » [Cov Tshuaj Tua Kab Mob](#) uas tau kev pom zoo los ntawm EPA los ntxuav tua tus kab mob khaus laus nas SARS-CoV-2, uas yog tus tsim kab mob COVID-19
 - » [Koom Haum American Chemistry Council Center for Biocide Chemistries - Cov Tshuaj Tua Kab Mob \(COVID-19\)](#)
- Ua raws li lub thawv tej lus qhia rau cov tshuaj tua kab mob no, tshwj xeeb yog tias siv cov tshuaj no los tu ntxuav tej rooj tso zaub mov.

Tej Ntaub Ntawv Pab Ntxiv

- Minnesota Department of Agriculture (Tsev Tswj Xyuas Kev Ua Qoob Loo Hauv Minnesota): www.mda.state.mn.us/covid-19-agriculture
- Minnesota Department of Agriculture Produce Safety Resources (Tsev Tswj Xyuas Kev Ua Qoob Loo Hauv Minnesota Tej Ntaub Ntawv Txog Kev Xyuam Xim Tej Txiv Hmab Txiv Ntoo Zaub): www.mda.state.mn.us/food-feed/produce-safety-resources
- University of Minnesota Extension (Tsev Kawm Ntawv Qib Siab Minnesota Ntaub Ntawv Txog Tus Kab Mob): <https://extension.umn.edu/covid-19>
- University of Minnesota Extension Response Plan Template and FAQ (Tsev Kawm Ntawv Qib Siab Minnesota Tej Hom Phiaj Xyuam Xim thiab Teb Tej Lus Nug Nqhuag Muaj): <https://blog-fruit-vegetable-ipm.extension.umn.edu/2020/04/covid-19-response-plan-template-and-faq.html>
- Minnesota Department of Health Tej Hom Phiaj thiab Ntaub Ntawv Pab Xyuam Xim Tus Kab Mob Khaus Laus Nas 2019 (COVID-19) Li Cas www.health.state.mn.us/diseases/coronavirus/materials/index.html#sm3
- Centers for Disease Control and Prevention (Koom Haum Tshawb Fawb Tswj Xyuas Kab Mob Kev Nkeeg): www.cdc.gov/coronavirus/2019-ncov/index.html